



文集卷之七

墓碑銘

元故中奉大夫江南諸道行御史臺侍御史劉公墓碑銘

至元元年冬十月江南行臺侍御史鏞公未引年拜疏
致事歸長沙二年夏四月丁酉薨于私第是年冬十二
月以治命葬湘西嶽麓山之原湖南憲使汝南梁公遺
既志其藏諸孤奉行實未濶以墓表屬於契家廬陵歐
陽玄請文志諸石按公諱宗說字傳之世成都華陽人
大父宋末嘗為茶陽軍使因家隣境之攸輿幼侍祖父

遠宦嶺外既孤適遭宋亡克自樹立從鄉先生趙公拈
學于宜春年十二三能屬文有才詣踰弱冠以薦補廣
西憲史再辟湖南貢南臺察院史歲滿調衡州錄事判
官中書刑部辟職官史皆未赴臺除廣西憲司照磨選
充南臺掾改湖東憲司照磨仍留掾南臺擢海北憲司
經歷遷河南憲司經歷拜南臺監察御史轉河南江浙
兩行省員外郎江浙未赴改南臺都事入為中書右司
都事拜內臺監察御史將進臺都事力辭出為山南浙
西兩道肅政廉訪副使復被選為臺都事俄出為淮東
道肅政廉訪使陞廣西道肅政廉訪使移江東道肅政
廉訪使召拜刑部尚書尋歸休于家起為江南諸道行

御史臺治書侍御史陞侍御史積階中奉大夫公敷歷
臺省誅咨四方出處偉節規撫古人初掾桂臬訪故父
旅殯行諸蒼梧即投檄辭歸以申情事孝節著聞見器
諸老厥後宦業浸盛受知文皇主畫中臺上所親擢侍
燕內廷鬚髮盡白或謂公老上曰傳之在南臺已然此
正老成可用之日也公被眷遇知無不言進退有度縉
紳則之移疾告歸上弗能強廣右之命公去留之疾愈
治行益用見信及以秋官召還文皇賓天遭時多艱大
獄屢起語連宗親公公正不撓刑無濫施事定勇退論
公生平忠孝大畧於此槩見所至蒞政詳明用法矜恕
挺囚藤梧冠黃京夫脅愚民為亂有司坐首從皆死公

誅渠魁四人餘四十二人免家屬論徙遼陽肇州公謂
驅炎墟之民居洹寒地名為滅死實寘死地請留嶺南
屯田全者六百餘口讞獄閩潮言海寇初皆王民身陷
惡地無由自新宜許以贖罪復業後用其言盜皆為農
河決大梁城門不開公按視得高陵撤相國寺朝元宮
木為橋百餘丈道民循城顛行薪米不絕比屋乃炊河
決小黃村陳顛千里皆沒公督有司盡力隄閉河復故
道疏離日還淮東大饑勸分維揚一日得楮幣十五萬
八千八百餘緡所賑以戶會三十一萬三百有奇以口
計一百一十四萬一千八十故公政嚴發軔海嶠振于
河唯由平反恤災之功居多至於吏能則在中書右司

兩月掾屬心服其竄正吏牘運筆如飛造次之間辭理
俱暢在刑曹半年滯事悉決乃定遇革刑制七十六款
頒示天下無復質疑公處察案退然一儒未嘗少自衛
襮獨善善惡惡無所避覲在河南時薦前憲使韓從益
行省郎中納麟等二十七人為刑臺御史薦浙西憲使
許思敬戶部尚書康里回河南行省員外郎胡葵等五
十五人乞召還敢諫御史李謙亨成珪於竄所乞叙用
故臺臣益陵真中丞苗侍御等八人於家劾前中書左
丞黨附權臣暴斂為虐劾河南行省叅政徃括田江西
橫斂府縣激變為廣右掌政能制僉憲不敢為苛為南
臺懷賓力斥中丞繩下之酷為荆憲黜賍吏二百九十

八員汴蒙古都萬戶畜臣熬納豕肝肺芻人腹中芻菜
唾人軍士忤已輒殺之公正其罪在陵豪僧謀人获
園誣以殺三僧焚之置三豕心燼中為驗公辨其詐抵
僧罪釋無辜二十一人湖廣辨章征徭惟怯公奏罷之
古縣成將據校宮毀宣聖像公定罰錮之海南其劾閩
憲聲跡兩使者望風解印嘗不就江而省辟掾時相
為之慚色自居下僚比至要塗論事英發往往洞識治
體至大中陳革整防姦戢貪除暴等十事又言六品以
下封妻不及父母非人子志後封贈修罷又力請復之
延祐中請置東宮弘文館選端入為言教博士講六經
以輔儲德又請除奸戶糧置施北公河倉諸善臺中

布之用以助賑濟權古今錢幣之制以便小民至順
言盜駝馬牛羊罪當為等差百官名在罪籍不宜尋
息澤或至再叙侍河文皇清燕密上封事其目曰明人倫
序宗族命賢相慎殺戮義取仁守保全功臣貶酒關色
親忠遠佞儒臣進讀宜講帝王之道勿事浮靡罪人妻
孥分賜臣下宜別宗親以存上下之分皆稱上旨凡
建明咸以著為令或遇布政輒在議中其惠利久遠善
築堤海康關田萬頃以徠海外耕民海北民鬻食益又
輸盜丁錢公奏弛其征文皇居潛瓊筦以是知公疾革
猶索紙筆作遺表欲有所陳未成而薨年六十有九曾
祖鑑宋宣教郎祖景高宋韶州通判贈嘉議大夫禮部

尚書上輕車都尉追封彭城郡侯父重坤贈中奉大夫
四川等處行中書省叅知政事護軍追封彭城郡公娶
毛氏繼娶王氏皆先公卒並追封彭城郡夫人再娶張
氏三子長孝友承事郎岳州路經歷公未寢疾奉命展
省先塋聞訃得疾後公六十一日卒次老敬登仕郎永
州路知事辟湖廣省掾史次孝恭廣西道宣尉司照磨
女五長適江西鄉貢進士張仁偉次適伯顏次適卜德
生次適孟坤次適歐陽忠皆士族孫男四好禮好義
好信苟兒孫女三觀音奴觀奴永安奴公博學強記淹
貫經史以禮部公號雪界因號雪峰以志蜀土有秦漢
詩文若干卷傳于世早從涿郡盧公慶道學詩禮

盧公憲湖南嘗語人曰錫掾傳之天資高邁他日網
維風憲必斯人也及公為臺端衆咸以為知人玄先君
子內翰公於錫公契友玄辱知尤深在胄監時嘗遣子
孝恭受業館下誼不得辭乃叙而銘之辭曰温温劉公
如玉不瑕臨事決義塞塞法家以儒發身以學施政措
為治才著為辭令惓惓告君懇懇許國學有風紀我扶
我植自厥筮仕奮由承掾迄其懸車終始司憲入也獻
替出也咨詢官之準人邦之蓋臣文皇知公字而不名
雖閔勞勤實仗老成上飲公醇公疾弗勝有敬有核賜
以豆登丹頰白鬚拜起給扶尚竭心智載陳謀謨秋官
予環廷出綴衣有執國柄赫赫作威公職司平獨立無

慄止辟不淫展也仁勇卜居長沙謝事建鄴輕舟來歸
賦詠盈篋胡不百年為國著龜明禮召從疑事就諮蒲
輪未臻榆沈斯作葵以公翰率履無忤子孫說說世被
德馨節惠有典賦此貞銘

元贈從仕郎吉安路吉水州判官周君潛心墓
碑銘

安成周君潛心卒之五十九年以子貴有卹典於朝將
錄其副以告墓次其孫約奉其宗人南瑞所狀行來京
師謁銘於子維周氏姓歷秦涉漢初至三國兩晉多
名臣載史傳唐季有譚璟亦有聞當時其四世孫威
難遷金陵威子矩仕南唐至御史督揚球為吉州

祥至吉因家焉二子長翰少子建國
光祿大夫卒贈僕射又遷居邑之西昌其族其
相望部使者號其里曰爵譽羨子廷訓仕至供奉廷訓
子昭為江陵令卒贈殿中丞有五子次子大理評事
師生度化少府壽之壽之子情遷安成之後林里又四
世為潭州通判士貴士貴子人望人望子繼祖是為周
君之父君諱晞顏初字景顏後字潛心自童卯器如成
人年十有六喪父內保家訓外親良師友奮自樹立稍
長脫去拘孿識趣軒朗舉措不擾才力恢恢至元丙子
江南初內附官府易置世務方殷故宋吏胥挾文為姦
里無賴又為囊橐善良重足而立君以孤遺出應門戶

機警辨惠果決有謀既足自彊又能為姻族鄉井捍禦
外侮眾皆倚之為安兄志伊登世君撫其孤不翅已子
先業粗給君善經理遂至贏餘推其所有輕濟貧乏惟
浮靡虛誕之士雖數干請秋毫不可得居鄉善也惡惡
子效不偏訴訟有未之有司而先質正於君者義重
法而勞折之咸得旨祭器俗為息江西行省郎中杜仲
寬聞君之賢方薦君進用俄抱病歸未幾卒于家年裁
三十有三初娶王氏先三年卒再娶觀溪劉氏五年而
君卒初鐺氏之祖母亦蚤寡以貞節聞辛勤教子後皆
擢科湖南轉運司帳管斗則劉氏諸父南康主簿政則
其父也鐺氏在閨門時習聞劉母懿範故能守節自誓

人能以教子為先務次子遺腹所生日抱之泣行道聞
而哀之君柩久在藪不葬人問之曰吾婦人安曉葬書
俟吾兒長自卜其地且朱三人守此柩日夕與俱猶同
返窀穸也遣子就學歲時從師之禮無闕否則質簪珥
以繼二子感激孝養倍至學殖日動今皆成立長教用
憲司試為瑞金縣儒學教諭陞吉安路學正借住廣州
新會縣藥徑峇巡檢辟廣東元帥府令史從元帥平徭
潮二州寇有功遷桂陽路總管府知事有政績湖南憲
課其最嘗平反死囚二人及去官為立生祠歷兩考進
階從仕郎贛州錄事次恒以儒推擇為臨江贛兩路錄
歲滿為上猶縣典史毅仕至七品君得贈官其配亦治

封宜人君卒以至元戊子六月十有四日葬以大德庚子十月十有九日墓在州北清化鄉鄴城里鍾氏卒以泰定丁卯四月十有九日年二十有七夫所天六十有六而終塋以至正辛巳十二月十有七日墓在新樂鄉之山塘村姑李氏阡女一人王氏出適進士彭躍龍子務德孫男四人紘絢浩澄孫女三人曾孫七人君初失父遭時孔艱及其自立涉世又淺而鄉曲之譽流芳無窮歿世之後家有節婦門有孝子克亢厥宗子官業日盛國家飾慎終追遠之惠方乘未涯是宜有銘銘曰行以集義僅施于鄉為善竭力得年不長數有乘除分有壹畷已播弗獲後人是食趙祚既訖君方弱冠家緒不盡君植之幹若負奇氣不為俠資救難則勇恤孤則慈視前斯振顧後斯燾年不滿德君子是悼有婦誓節不負君有子力學底績于文生也曠遼一命若訥贈恩便蕃子仕方進有源斯委孰禦其沛博史作銘以訓之

元贈奉議大夫樞密院判官驍騎尉追封浦江縣子鄭府君墓碑銘有序

大江之南浦河之東有州婆有縣浦江有旌表家鄭氏九世同爨朝廷嘉而旌之至是又有贈典告于其家是為樞判府君由其子深起家為右丞相大傅府長史階正六品初贈國子監丞及深遷宣文閣鑿書博士階正

五品當進贈其親故府君有是命也府君諱銳字景敏其先榮陽人十一世祖曰楚道遷歛楚道子自牖遷睦之淳安自牖之孫淮遷浦江淮樂善好施宋靖康年饑鬻田千餘畝以賑其里人號所居曰仁義里淮之孫曰綺號冲素處士事二親盡孝父照忤時貴得罪文以重辟綺上書郡守錢端禮乞代父坐法守為之直其父寃母張病痺手足皆廢三十餘年九就便液綺必抱持其主家政歲入絲粟不私鄭氏九世不異財實自綺始綺之玄孫龍游丞德珪青田尉德璋尤篤友誼怨家以死中璋法當逮維揚珪請于有司以身代璋行竟死逮所送子文嗣璋子文泰皆克紹一門薪餐食指數百如出

一身令利史舉察以聞旌表其門曰義泰二子長長府君幼穎悟日記數千言長明春秋事母實孝竭力以供子職實病晝夜衣冠以侍醫劑者數十日無懈參其與兄弟處表裏始終無間言怡悅見於顏色嘗與義財每自勗曰吾家累世義居至吾之身或墜先訓萬死不足以贖媿乃創為式用財纖悉必附日乘月吉以似家長署而通考之由是鈎檢有法一如官寺規可以久性勤儉任事不憚勞有餘即好施見里之貧約必思有以賑之暇日習詩及小楷殊有思致延祐甲寅初科以明經貢於鄉一試不偶即舍之曰當以付吾後人生以至元己丑之二月二十有七日卒以延祐庚申之十有二

月一日壽三十有二聞其訃者咸悼其蚤世明年辛酉
三月三日初葬義烏縣延壽山之原今改本縣靈泉鄉
重德氏子二人長深次淇深字浚常失所依恃二十餘
年負笈入京以文行受知前大傅右丞相被選為長史
推恩及君贈承直郎國子監丞樓氏封恭人及深遷宣
文郎受經郎再遷鑒書博士擢吏部員外郎今除僉江
南浙西道肅政廉訪司事君進樞密院判官勳驍騎尉
受滄江縣子階奉議大夫樓氏亦累封浦江縣大君深
於予有斯文之契以福建廉使貢公師泰所為行狀來
謁欲辭不獲序而銘之銘曰昔在唐虞風俗淳美史稱
可封比屋官是降及戰國阡陌既開史稱素封實雄於

財鄭門七世資義不竭使居唐虞在可封列家擬素封
惟義發身致有誥命受封惟貞司造孔明無善不報惟
樞判君實感允蹈孝親友兄悖族睦隣搏用致豐植弱
賑貧義規我守義產我掌有勺有稽有籍有帳學明麟
經一試場屋出抱遺編以授子讀子蔚有文進遇東閣
謀裨鼎軸畫主帷幄再遷官師授業內庭秘閣鑿書講
筵譯經乃登要津判銓天臺維君恤典恩寵鼎來進班
宥府錫爵蒲壁義門日崇車駟翕絕靈泉新阡遷自烏
傷太史勒銘奕葉有光

元贈應奉翰林文字從仕郎安成劉聘君墓碑
銘

國子助教鍾君文廷既陞于朝當推恩其親天官為之
擇館閣美名以居之於是贈其先君子劉公以應奉翰
林文字從仕郎應奉即唐供奉金人避其主嫌名改今
稱國朝因之雖七品階寔北門詞臣惟朝士知名者得
以是榮其親文廷將歸燎黃于阡狀其先德謁銘于余
余至順庚午校藝南宮文廷余所得士也為國子祭酒
又同在胄闈故為之叙而銘之叙曰公諱蒙正字聖功
安成漢為縣屬長沙國劉氏為長沙定王後故家焉公
十四世祖曰玉處士初徙城西湯村晉安復縣也處士
生唐末五季有善行于其鄉涉宋三百年鍾氏科第相
傳其後六代有善德五歲為舉子年

曰奇童父嘗携之貴人
不凡坐客歎服一日父工
夜課子姓以鄉校賦題
吟兒則戲劇何為公俄
索紙筆寫之周夫人命
諸郎曰若輩徒長大曾
前輩爭造門呼出觀之
器卓犖自以用不適時
事增悼終喪辭周夫人
曰大人在菽水之養不
然歸故廬盡發先人遺

貴人命以賦接筆立成思致
役公戲母周夫人側適諸父
跋未就周夫人曰諸兄方苦
若有所營食頃曰兒賦就矣
以質諸父諸父為之失色以示
不愧兒明日賦傳誦眾口鄉
石無幾世改科廢公年方富才
反不屑為章句習會丁外艱撫
遊衡湘常悒悒不樂喟然歎
可久違箕裘之業不可久棄
音淹貫六籍馳騁百家旁及盤

孟隱與虞初稗官靡不
 其有餘沾被學者四方
 咸中矩矧它匠棄捐悉
 飲日趨不容祝也性豪
 公出誘大駟暗據規為
 必復之駟亦難公奉歸信
 以是噍公會歲侵鄉田不
 於公人謂勢必返之不則
 之不仁里有貧不能輸者
 然終不咎隣獨自責曰居
 居焉溪上多故人士族樂
 公之遷遣子弟受業恐後四
 毀家以代之由是生計滋劇
 不擇隣非智去之龍雲溪上
 疆公拚除垣葺招復徙者隣
 毛隣劫於征布以計弛其肩
 病公曰人憊故求更憊而返
 攸扶已乃大肆力於文沛然出
 其笈及門如適工倏長短大小
 以斷削以公能誘人知方便履
 卒曠達先盧故占勝地猶鄰乘
 有諸從異悞不能制公還善

方勞問繼屬公內給大夫八甘膳之需外脩諸士友綢
 繆之好晚况殊適環堵蕭然戶履常滿與至觴詠賓主
 盡歡高談善語傾倒四座酒酣取古人詩文擊節而歌
 聲沮金石踈髯古貌矐如列仙睥睨世故無足芥其胸
 次者一日飲傍舍莫歸沾醉就寢丙夜家人聞呻吟起
 問安公曰吾舊疾痛亘心背歲常殆今二十年復作其
 不瘳乎詰朝更數醫皆郤其藥不飲七日忽宵興正冠
 而坐召諸子語不及他唯以不得終養大夫人為恨言
 訖而瞑皇慶壬子十二月二十有九日也年五十有三
 疾初作周夫人已卧病八年七月周夫人亡明年正月
 十有一日諸孤用治命公柩葬于故廬之陰曾大父

繼周大父先登父雲鳳比為鄉名士娶朱氏以子貴封
宜人子四人長聞即文廷登第後調臨江錄事有善政
居成均事稱其稟以善也名次開次閱次閱皆以經教
授女二人長適賀氏次適張氏孫男女十三人公篤於
孝友弟應龍幼孤妹歸于氏早寡于時饑饉師旅相仍
公避難崎嶇往來百里而撫孤存寡恩極周綴家雖貧
所識空乏即解衣推食無靳居鄉曲有譽處豪右有道
雖不好以氣岸加人而見者自失其負挾平生喜讀書
過目成誦朋友訖疑隨而疏荅云出某書見某註如腹
有筭然為文渾厚條達不事奇澁下筆輒數千言雄議
疊出多裨益世教切中以體人稱其有大對倫魁之材

尤善知人誠偽策事成敗橫逆無故至前不為動人
驟遇之見其高世不羈之材未容輒致親附而明白坦
夷雖家人細故不以欺客退而消去鄙吝終身不忘雅
不喜浮屠幻妄之說聞朋友有佞佛者移書切責鄉先
生若靜德王公聖與青山趙公儀可復心崔公君舉養
吾劉公將孫皆折輩行友之科詔既下公讀而喜曰吾
老復見場屋寧非天乎尋至物故齊齋彭公長庚祭以
文曰科目方興而伏生死禮樂將用而河汾亡其見重
名士如此公號山泉先生有美贖集若干卷學者傳之
既沒時人見論事不痛快臨文不强人意輒太息曰安
得復見劉山泉先生銘曰公之學碩以多可擢巍科公

之詞雅以麗可司帝制有其學不科其擢父懷其璞子
厭其殼有其詞不制其司生背其馳死踐其資其有不
居其蓄不祛其達敷腴其饋寓諸茫茫九京公莫起矣
誓宗有辨博史有編

元故徵士段公禮廷墓碑銘

有元徵士段公禮廷既葬之十年其孤德輔德文介余
故人之子聶孟宣以公之行實謁余請銘其墓道之石
予始辭之孟宣請益謹乃述其行而為之銘維段氏廬
陵之龍溪人入唐以來代為顯官有積階至銀青金紫
者公諱士龍字雲亨禮廷其號也會祖仲仁祖文郁父
子開字叔茂弟真逸處士始遷長沙城中二世皆有

之士公本真逸族子宋季器氏有登進上第卒官成都
華陽主簿諱文煥者公所生曾祖也以詞賦兩請漕貢
進士諱議孫者所生父也內附初世故多艱貢士往安
成依妻家劉氏以居前至元辛巳公生劉氏家年九歲
外祖錙梅窓先生竒其穎悟真逸無後詢之族屬求可
為後者見公拊之曰吾行四方閱人多矣是兒能振三
宗者請以為子貢士持不可貢士沒母劉氏辛勤自立
教公從師受學甚謹又九年真逸申前請猶切乃許以
為後時真逸以貲雄于長沙得公幹蠱甚副所願公事
真逸及母李氏盡孝遇弟士虎能友士虎字文亭本從
姑之子與公同繼真逸為性剛果公每濟之以寬內焉

息愛外極彌縫家務大小咸當其可公之助居多由是
家日益裕又加潤色焉真逸晚歲優游之趣甚適公所
生由文煥而下六喪未舉公竭力營厝悉如禮同氣四
人兄可珍弟可立揭家從徙長沙公賙之有方既而天
婦俱亡公殯其二喪撫其諸孤使之咸有所憑藉女兄
適印岡羅氏相距六百里饋問無虛月其他賑貧卹難
施諸外人無少難色每歲發廩務平其值庚午大侵則
損直傾積以濟存活無算平生讀書一見隨了大義有
所得輒加體驗而行當道薦以文學掾力辭不就家居
命僮僕治生一經指畫即不以嬰懷惟與士大夫游樂
而忘倦蓄古書畫暇日把酒清談纒纒不以城東作三

友亭常領客觴詠歲癸酉游南嶽登祝融夜半望海日
起然有從方外之志乙亥歸廬陵徧脩先塋之祭退而
會諸族鄰姻交驩甚是年真逸年九表歸為真逸壽擊
鮮高會遠膝奉觴鬢髮斑白座客歆羨未幾真逸病侍
病勞勤及卒哀慕過情襄事甫畢公亦感疾逾三旬未
瘳一日忽呼二子語之曰民生在勤勤則不墮汝曹勉
之越數日疾復作瀕殆有僧怪牛素所徃來問之曰究
竟若何舉手畫一圈曰平生受用不離乎此子問家事
不答啓手足示之翛然而逝後至元二年丙子五月十
有二日也三年丁丑十一月庚申塋善化縣龍坑之留
思嶺公性忠厚喜愠不見顏色訓子弟能以身教有質

問必中理得年五十有六未弱冠來繼真逸始終幾四十載父子慈孝如一日中外無幾微間言難矣哉初娶胡女一人適廣東宣尉副使聶公以道次子孟宣劉氏子一人德輔李氏子一人德文皆克肖孫男女各一銘曰人生至難為後於人其難維何尊尊親親既區別尊有隆殺君子處之先識其大所繼所生置身其間不爽其宜得譽匪難于嗟禮廷動適厥中於分則嚴於情則通歲踰三紀恩義周浹至誠感孚靡間靡諱墳墓我者譜圖我脩兩宗訢合二郡綢繆廬陵長沙地壤犬牙段氏蟬聯克昌厥家里稱善人士曰善士生有慶譽後蕃胤芷湘江之濤卜兆式現地再之堅尺地

川增後入其承博史作銘詒爾雲仍

元故隱士更齋先生緇公墓碑銘有序

公諱過字益翁更齋其自號也如穎悟日記數千言稍

長受學里中王珏王客故相江公萬里家其弟信豐宰

達父往來公從兩王先生咸稱為畏友又嘗侍先君子

登巽齋歐陽守道之門由是須溪劉辰翁中齋鄧光薦

皆以忘年友之先君子博雅能文須溪號之曰山中小

集古尤偉公論議馳騁墳素軼出旁行敷落躡躑虞初

稗官劉氏雖好辨者終不能傲公當世務捨攘衣冠家

子弟類巽悞不更事公器局散朗應對閒暇父兄賴之

以安至元元貞間境有山盜公承檄扞禦能申條教齊

一民義里閑帖然間歲侵輒殺直以發飢者為饘寒者為衣殮者為棺靡不終惠家居敦叙倫紀姻戚困乏者委曲料理卒使之有業性好客善譔歲時燕集酒酣歡洽擊節雅歌四座為悚尤不喜異端然時有佳者亦為之豁達無忌初號一山時慕蘧大夫之賢著號更齋先輩私廬鏞應登記之諸名士有詩生平裕有才譔薄於宦情分憲觀復馬公昭舉行鄉飲酒禮公侍先君子座側馬公愛其英爽欲辟以掾屬力辭御史方厓蕭泰登於公為中表屢勸公仕輒不答晚歲順適丘園容與翰墨嗜古圖書市或千金為知己持去亦輒委置家藏古書甚多皆手自校讎至所著作才既敏贖率易天成旋

復與他日開客子弟始景成編嘗即先廬之傍改築新宅以居老病其樓曰望雲不敢忘先人也泰定丙寅哭其長子幼時能命言自遺自是嬰疾疾革呼孫揆寅語無他及惟謂以醫醫爾人盡非之句翛然而逝生以宋熙慶之示前十一月十五日沒以元泰定丁卯閏九月二十七日年六十九歲曾祖從龍祖有開宋迪功郎父吉邦為義縣令父惟憲南軒書院山長皆山翁之要職母族以賢婉稱子男一士元士榮士元先公一歲卒十二月早夭女四人俱適士族男孫三揆寅揆辰揆四言以無子應繼孫揆寅以至順壬申十月二十二日卒葬于里之煙竹原事竣屬其姻戚易君景

升狀公行請余請表其藏易余校藝江右時所得進士
而余亦素知劉公學行節槩凜有古風若揆寅之世家
學亦士大夫之所願友者故為銘曰民生於三父師其
二倫序有五其一友誼偉矣劉公名父之子隆師親友
相又名士三者之懿蓋知其賢矧公學行允也可傳學
以事君行施于政懲不少試斯焉有命命固有之公亦
高蹈用不於時而適於道邁遠者氣騰蹕者辭庶俾來
世知公于斯新居奕奕花竹斯奮日月幾何松栢旃旆
有濬其澤由後又曾入史撰銘悠久之徵

元故隱士劉桂隱先生墓碑銘

廣德知桂隱先生辛丑土之三年子應麟遣孫理來京師

請其墓銘於玄值世多故未暇請也又三年導東海以
歸乃致前請謹撫其行狀叙而銘之先生諱詵字桂翁
號桂隱其先清江之翟斜族也翟斜之族自宋公是公
非弟兄叔姪以文學聞天下號江右三錨先生之先世
有諱滔字禹績者由翟斜徙吉水之南嶺傳六世至彥
升彥明兩弟昆升留處南嶺明分處北坑北坑以地居
上游號上族因號南嶺下族升自鵬舉五子競爽弟四
子曰佃字端臣生子少齊字思賢是為先生之高祖考
少齊生子徽字德卿宋大學內舍從誠齋楊文節公游
子鈴字衡甫受知文丞相號麓隱生子仁榮字雲祥號
習靜與弟化龍長子元方同領景定甲子鄉薦明年俱

及進士第雲祥授平陽尉先生平陽第四子也生二歲
失母七歲失父九歲宋亡奮以穎悟之資自樹羈孤之
中能不墜先業又斥大之今之大夫士論先生德行道
藝必推本其先人於是平陽之聯科雖不獲究用於季
代因先生克紹咸稱其有子而鐳氏自翟斜而下益有
光焉先生之為德不為世俗之所搖攷不為風聲氣習
之所淪染卓然以重厚醇雅進與鄒魯士埒而無忤容
事諸父及諸昆弟盡恭敬友愛之道先世恒產悉推讓
之子姪及門必厚遇以禮伯氏蚤世其子古臣方幼撫
育教誨使有成立古臣率又撫其子如古臣夏氏女沒
所生角羈未甌教育而婚嫁之如禮晚即南嶺朔始祖

禮率族子歲時祭祀以正昭穆之叙居家處鄉有古君
子風訓學者能以師道自立至其為文根柢六經屬覽
子史躡轢百家溥瀆演迤資深取宏築雋哲匠達于宗
工液古融今自執其韜應慮不獲靡施弗宜雖未嘗露
其雋傑廉悍踔厲風發之狀韞玉在櫝氣如白虹不可
掩抑四方求文繼屬于門有古文若干卷諸體詩若干
卷駢麗書劄若干卷摠題曰桂隱集蜀郡虞先生豫章
揭先生及玄皆嘗叙之各以所見極其形容詠歎之感
然以先生之文微吾三人言有不行世者乎先生歿言
之弟子顏成子狀其行稱先生年十二三時長於宋季
程文若律賦論策臨文沛然蔚有老氣宋之遺老鉅公

吾季公鶴田肯堂深齋三公於先生為母黨尊行一見
即以斯文之任屬之中齋鄧公須溪鏞公於先生為鄉
先正見其文尤加器異鄧公嘗延之家使範其子若彭
與吾晏山心於先生為畏友往往推服延祐初科舉復
與先生年纔四十餘州里有司舉孝悌明經太守強勸
之駕先生好古與主司琴竽理之必然不足深論先生
退自塲屋一時名家欲其子弟規進取者必厚幣求師
事之古有善射者射牛鏃掠牛腹舍麤詣精以不中為
勝賢父兄願欲得其不中之奇他日與拘拘然求中者
角我欲中斯中耳方厓蕭公為御史以教官薦學士山文
公為集賢以館職薦尚書鵬南鄭公過廬陵見之歸朝

以遺逸薦公卿推轂當時賢士推轂者可得美譽賢士
何為焉先生生以宋咸淳戊辰八月二十六日卒以大
元至正十年九月十三日年八十又三葬以是年十二
月二十五日墓在州之仁壽鄉東槎灘娶印岡羅氏有
婦德能致內助先二十年卒子男三長立敬先五年卒
仲尚文克世文學先生鍾愛之惜蚤世季應麟業進士
女四人適同郡李以孫夏昶彭鏗蕭泰端皆宦族孫男
七觀先天次瑄瑜諒璉讓珣珵今除龍溪書院山長孫
女八曾孫男二玄於先生未獲一識而書問不絕相知
為深虞公晚歸田過從甚樂每有相見遲莫之歎虞揭
二公皆先卒玄以垂髫之齒獨得銘公銘曰宇宙氣化

消長有時斯文盛衰不繫于茲富貴倘來非悠久功名
時至亦易就惟茲二事衆可勗天畀斯文曰予獨近代
四家廬陵眉山臨川南豐頡頏其間展也桂隱實宗歐
陽豐會約蘇謹嚴歸王天慙其施不靳所重我其承之
責若光寵在衆不隨予獨不訾不貶厥齋俾昌於詒

元故旌表高年耆德山村先生歐陽公墓碑銘
至順元年冬十有二月南郊禮成詔天下民年八十以
上無失德者有司以高年耆德旌表之袁之分宜山村
先生歐陽公是年九十以齒以德當應詔元統改元又
詔賜高年帛公年九十三縣大夫來致帛見其人物議
論之者曰此豈徒有年者哉一帛未足以示優

禮也詢前諸旌表猶未徧舉方謀為之請玄適在朝登
以文白當遣檄有司奉行之於是旌表將至偶近公生
朝子孫請即是日拜命為壽有司從之比至疾遽作竣
事未幾卒後八年玄謁告南歸訪族防里至公之門旌
表燁然而宰木拱矣子惟德以里名士孫復孫所狀公
行請銘其墓玄忍銘乎忍不銘乎公諱涇字源清號山
村先世自安福令而上詳見吾宗楚國文忠公譜令以
下數世有自安福遷分宜防里者至公傳十有六代代
多文儒曾祖安世祖必恭父起宗皆教授鄉里世父龍
瑞登宋咸淳七年第公資貌偉特少以力學得羸疾有
授以食療法久乃甦岸性孝友執親喪至柴瘠每起必

杖為親擇葬地術家言某兆吉公曰何自致之曰以公
孝感當自致已而果致季弟目眇温良饑飽謹候伺之
如是數十寒暑無幾微倦色沒而哭之盡哀壘之盡禮
倫誼之重里人至今以為式家居飭子孫常舉平心待
物四字為訓能以身教故子孫率從由是忠厚日積致
家日肥奉養日腆而公如素之習不改平生被服前代
衣冠未嘗少易華靡子孫亦不能強之暮年身健神清
稠人廣坐與一二同輩談承平舊事移日不倦歲時會
族少長咸至多至數百指語子孫曰天倫之樂無以踰
此饗饋隆殺非所計也爾後人毋廢斯禮早年習舉子
業精敏有聲場屋與季父同登俱待補國學葉丞相守

表遇士慎許可見公之文獨稱賞求識公面屢加薦達
至宋亡科舉廢乃更沉潛性命之學手編諸經傳註彙
粹先儒格言其精義奧旨融貫演繹多所論著細書大
帙充物中廂詩文理致自足不事雕剝舉動一出誠恪
不勞矜持嘗有老僧一日同集人見其踧踖於坐詢之
曾從出學公教學者無他言唯勉其用功根柢異時少
自樹立即有依據後進往往佩服其言生以宋淳祐辛
丑六月二十六日沒以大元後至元乙亥十一月十一
日年九十有五沒之明年丙子八月某日葬于里之小
礮源娶某氏先公卒子男一惟德字秉彛幹蠱有譽克
大厥家公歿之歲子已稀年今將八十康勁勝常人每

以公壽期之孫男二務敏務實皆業進士曾孫男一王
成孫女一適彭曾孫女二長適朱少適許皆名族玄於
公為族弟先世徒劉踪跡雖迹知遇獨深銘墓之請誼
不敢辭銘曰惟公之身寔備五福壽躋期願富有第祿
第祿雖富公恬不知曷其康寧豐約不移惟其不移可
久慶樂耽書味道生不飲藥好德已稀况德之積迨夫
考終數不端百太樸未斷全福有人豈獨全福有行有
文有文匪他惟性惟理以溯其徒以遺孫子有覺其閔
國旌壽駿天光所臨百世流潤爾孫爾曾赫奕其承同
宗匪吝傳史足徵

居士歐陽南谷墓碑銘

居士諱同寅字同甫號南谷袁之鈴岡防里人也世為
望族家饒資尤多儲書居士自幼為學質實既長賦性
剛塞居家庭有孝行處鄉黨有直聲輕財而賤利貴義
而重德姻族有孤遺少任其教育長釐其嫁娶里中貧
乏者飢育其粟死有其棺殮有其域歲旱先其鄉人禱
不大雨不止鄰有災集救賞募燔夫必撲滅乃退人有
訟求正善譬析以理閭閻細民有戒心來歸輒聚而保
之五六十年之間未嘗希知遇於當世故己之德人者
甚鮮人之德己者甚多嘗訓諸子曰處善循理人生至
樂仕宦何為當道以教官薦辭不受又嘗自贊其畫像
有曰務本之學施於孫子士稱其言先行而後從晚歲

家居優裕肆力於學適意於文廣坐辯論經旨專門士
或病之天曆己巳夏五月疾作醫至却藥不飲疾甚諸
子請所以命輒厲聲曰若輩皆四五十之年猶待刺刺
語耶有間曰張公藝九世同居惟一忍字汝曹識之端
坐正衣冠而瞑是月二十日也得年七十有六至元丁
丑十二月壬辰葬臨江新喻鍾山鄉龍伏之原曾大父
峻大父珣父夢顯積德起家初娶鍾氏繼室許氏皆先
卒子男四震亨晉亨巽亨克世家學鼎亨任八蕃有招
蠻功宣撫司辟薦以官聞母喪歸不就與亨任湖南辟
清湘縣儒學教諭以親老辭女四適李適彭造胡適劉
皆里名家孫男四長天祐次天福蚤卒次天與天啓孫

女七曾孫男三曾孫女四吾歐陽氏以有妙支裔封越
後并於楚受封於烏程之歐陽亭侯子孫以亭侯為氏
歷兩漢涉魏晉六朝唐宋迄今南北歐陽惟一族非如
他姓各有所從始者然自涿州太守而下顯者曰冀州
渤海青州千乘千乘中絕今皆渤海後又自率更令而
下顯者曰長沙自吉州刺史而下顯者曰廬陵其實出
於一詳見唐書宰相世系表及我兗國文忠公譜說居
士先世繇廬陵之安福義應遷今防里上世有府君諱
侁在諸昆弟中子孫多遷居外郡有復遷安福之早禾
田有遷潭州之瀏陽馬渡者若是者不一居士亦侁後
於防里其處者也玄之於瀏陽遷者也由始遷至先叅

政冀國公纔三世故世次可考居士於冀國公族弟也
玄於居士族子也巽亨來京師求表居士墓義不敢辭
為之銘曰

才周世用世用則訥德應人求求人則恠我宗儀刑遺
不我慙我表其藏三世其親

讀圭齋先生所撰南谷居士墓碑知昔人之所積者
忠厚深長其遺諸子若孫固異乎衆人也自凋謝之
餘而資源昆弟皆卓然復昌其先世又知天之報施
善人果不爽也嗚呼世之人何苦而不積善哉

洪武二十四年六月二十有二日翰林黃子澄書

永新龍母吳氏墓銘

書而出必掩面幽其明銘何炫宵而行必秉燭明其幽
銘何瀆生存正沒順寧酌二義可也銘婦之冢嫂之立
繫吳氏羅其憂事莫難曼倫間公無怨私無瘵姑宜家
叔宜室早者勞尊者逸城有屋郊有居相夫子手拮据
子於親無二上禮有別孝無讓父之命子之誅人信之
惟天理惠于宗德于鄉宜大史銘其藏

余拙於書病餘愈拙近日求予文者多強予書余不
得已力書以塞其請然實非予之素志也永川龍孝
子謁其母吳氏墓銘獨能見諒於是請大常博士劉
聞大書余甚嘉之因書銘後使知得余書者不如諒
余書者之使余感也致其辭來請者其西賓戴與權

也其人左賢使余不忘歐陽玄書

元虞士劉公梅國先生墓銘有序

公姓鐺氏諱隆瑞字立賢世為安成望族幼穎悟力學
家居孝友遭父母喪勉力襄事動循禮則宗黨繩之過
諸子姓獎借誘掖期于成人于性跡弛輒加警約劉氏
塾業彬彬可觀公教居多世變素海舊家子弟吳悞奴
客乘勢恣睢公奮以法鋤拉強梗至元甲午獠寇陸梁
青山朝廷遣簽樞督捕輒欲禽狝其鄉聞者竄匿公遠
迎大軍供億畢給民用無恐豪右有宿憾于鄉伺間報
復公辨出無辜活者千計寇平師旋居民殘燬札瘥存
臻公被府檄勞來遺氓賑飢療疾流三四集有司築堡

壘以戒不虞公曰軍名備禦實則病民卒言大閭遂撤
其戍民迄今便之公機警倜儻踈財樂施為人替難騰
糾德色不見幾微晚歲延名師淑諸孫暇日觴詠暢適
泊然無求於時所居多梅國號梅國先生至治壬戌四
月十五日卒明年十二月十六日葬鄉之南山壽五十
有八按狀劉氏在南唐時有為袁州刺史者始遷安成
寧湖傳至克都府君再遷南溪五世為評事府君良輔
二子長迪功郎龍南尉汶次脩職郎沅陵令崧沅陵子
醴陵令孔彰善誠齋楊文節公萬里醴陵子墳墳子鑑
以文學顯終承事郎秘書省校書郎秘書生天福脩職
郎廣西帥司幕官是為公之考號恕齋澗谷羅公倚婿

之嘗及接見後村劉公克莊為人慷慨多智畧與文丞
相有嫻好雅見器異須溪鏞公辰翁青山趙公文靜德
三公夢應復心崔公君舉巽吾彭某皆嘗與之遊君子
於公行義之卓尚論先世蘊蓄之深先友過從之盛而
知其負挾有自來矣伯兄震潛貢進士仲兄薦補國學
生咸有士譽公娶王氏女有婦德能持家後公一年卒
子燁字持敬孫曰漢善鵬嵩岳正泰鈞貫凡九人述行
狀者湖南宣尉副使周君志仁介燁請銘者太常博士
劉君聞也玄識燁父銘何可辭銘曰安成在漢隸邑長
沙十世有羨蜜湖是家處士侃侃濬厥義問秩若紀綱
不煩以紊範族以正剗物以剛抑浮惇雅植弱耕強

嘯于叢王師薄違隱飛于地公曰曷歸素等軍門其勇
萬夫馳其有餘翼蔽一隅孰弱爾巢我堅爾屋孰羨爾
田我序爾粟民將德公尸祝百世公曰噫嘻我求無愧
衆芳所都紛郁粹醲涵泳堯仁優游以終彼秩三品奉
常斯謚法當立傳大史乃議奉常言之銘者大史儕是
寵光展也君子松柏鬱鬱君子之域宜爾子孫維德之
植

元翰林侍講學士中奉大夫知制誥同脩國史
同知經筵事豫章揭公墓誌銘

至正四年七月壬辰翰林侍講學士揭公曼碩以總裁
宿史館得寒疾歸寓舍戊戌薨時京師大雨彌月朝縉

大夫聞者不避泥濘馳往哭之人人盡哀明日中書出
公用鈔二千五百緡率先為賻於是樞密院御史臺六
部以下咸致賻儀有差車駕在上京遣遣使賜諸摠裁
及史官燕勞以公故咸援禮辭中書為改燕之日使者
歸上京白宰相宰相以聞有旨賜中統萬緡給喪事有
司議以驛舟送其櫬歸江南孤泣奉史官劉聞所狀行
請玄謁公墓銘玄與公三為同寅相知為深公死為之
哀痛踰月不能忘故不銘有所不忍銘有所不忍九月
詔將扶護登舟廼勉叙而銘曷碩諱侯斯姓揭氏生而
穎悟年十二三讀書屬文即知古人蹊徑家貧不能具
東諸使學惟子莫制等公之兄弟自為師友稍長豁然

書道日有增益未幾以之授業諸生年或相
等皆以師道嚴憚之二十餘年僑譽游江漢間司徒程
斐公為湖北憲使奇其才妻以從妹皇慶初程公入朝
公館其門時國初諸老尚存聞程公有佳客咸願識之
及與之言薦恐後延祐元年用薦為翰林國史院編脩
官三年陞應奉翰林文字同知制誥四年遷國子助教
學士承旨復奏留之五年謁告歸泰定元年復授應奉
翰林文字丁內艱去職天曆二年秋文宗開奎章閣置
授經郎教勳舊大臣子孫於宮中公首被選至順元年
預脩經世大典三年書成超授藝文監丞叅檢校書籍
事元統遷翰林待制後至元四年擢集賢直學士五年

奉旨代祀北嶽北海濟瀆南鎮竣事引疾便道由浙左
歸豫章六年以奎章供奉學士召未至改授翰林直學
士知制誥同脩國史至正改元兼經筵官二年陞翰林
侍講學士且命同知經筵事三年年及七十請致仕歸
上聞亟遣使追及潯南拜表力辭再遣使奉上尊諭旨
還撰明宗皇帝神御殿碑文成求去不聽夏四月詔脩
遼金宋三史命右丞相為都總裁中書平章政事鐵睦
爾達以下凡六人為總裁官公預其選遂不得辭明年
遼史既進金史垂成公薨壽七十有一揭姓相傳出楚
司馬氏世遠姓稀譜逸或云出漢功臣陽信侯或云出
安道侯漢以後揭氏居高平居汝居郢唐乾寧中有

者以左僕射持節袁州刺史揭氏仕東南者昉見於
此今江右諸揭居豫章居盱廣昌皆大族豫章族始祖
積盱廣昌始祖墳推其訓名蓋積墳伯仲勇碩居豫章
豐城今為富州曾祖光朝妣黃氏祖性聰累贈嘉議大
夫禮部尚書上輕車都尉追封豫章郡侯妣黃氏繼何
氏並追封豫章郡夫人父來成以遠學篤行見推前輩
先賜謚貞文先生贈中奉大夫江西等處行中書省參
知政事護軍追封豫章郡公妣黃氏追封豫章郡夫人
皆以公貴推恩初娶李氏繼程氏荆湖北道宣尉同知
叢卿之女先公卒並追封豫章郡夫人子男二長以國
學上舍生克世父業李氏出也幼廣陽生始四歲女一

人適秀才楊湘孫男一敬祖孫女一公職子弟未嘗有
纖芬貽其親憂昆弟有無相通始終無間言少自處約
立身泊有祿入服食稍踰於前輒愀然思其親曰吾親
未嘗享此故平生清苦儉素老而不渝在京師三紀官
至五品出入始乘馬為授經郎諸貴游子弟見其徒步
每蚤作宮門辨色輒先諸侍臣至謀為之贊馬公聞之
自置一騎尋復璫之示非所欲初遊湖南見前宣尉文
惠公趙淇趙素號知人謂公曰君他日翰苑名流憲使
涿郡盧公摯見輒稱許其婦朝竟以翰屬薦之薦牘今
在掌故至京師受知太保李文忠公益樞密王文定公
約承旨趙文敏公孟頫學士元文敏公明善先是東南

士聚輦下如四明公捕巴西公文原雍郡公集有盛名
公卿間既而貢集賢奎章周待制應極薦之皆馳騁清
途公與清江范梈德機滅城揚載仲弘繼至翰墨往復
更為倡酌公文章在諸賢中正大簡潔體制嚴整作詩
長於古樂府選體律詩長句偉然有盛唐風楷法精健
間雅行書尤工國家典冊及功臣家傳賜碑遇其當筆
往往傳誦於人四方釋老氏碑板購其文若字表及殊
域門人集其所著已板行於世在國史時李文忠公見
所脩功臣列傳撫卷歎曰他人謄史牘耳若此方謂之
傳在奎章時上覽所撰秋官憲典驚曰茲非唐律乎又
覽所進太平政要四十九章喜而呼其字以示臺臣曰

此朕授經郎揭曼碩所進卿等試觀之其本常置御榻側為經筵官今上聽其講篇深嘉其忠懇故其際遇累朝皆非疏遠儒臣所敢望者延祐末朝廷倏罷群臣贈典公之父獨得賜號貞文又賜之碑天曆至順中大臣有薦文士人主必問之曰其才比揭曼碩如何累稱其才可用欲器使以政今上初即位一日使衛士召公至則以內府所賜諸王段表裏賜之將賜躬自辨識然後以授講經退又賜金織紋段至正改選格諸超陞不越二等公由中順大夫進中順大夫獨不為例超授四等轉八階進神御殿碑特賜楮幣中統萬緡白金五十兩亦賜白金如其數又為之賜貞文書院額以許

若此異數公受之踴躍不疑自待之色不謂國之志益自奮厲故處散地論政薦士以古人自期王文定公嘗言與揭公談治道大起人意對大臣言其辭不及他第言某處灾傷未賑卹其政弊未除某人賢在下位未擢用自澠南召還丞相與候見便殿因問方今治政何先公曰養人養人何先公曰人才當舉望未隆之時養之在朝廷使周知庶務一旦用之自識治體及置史局又問脩史之道何先曰收書用人又問用人何先曰用人先論心術心術者脩史之本也心術不正其他雖長不可用公求去之意未釋上使丞相及諸執政面諭留公公曰使揭某有一得之獻而諸公能用其言

天下遂獲其利雖老死於此不恨不然何益之有他日
集議東內公倡言鈔法大弊合用新舊銅錢權以救之
政府不樂論議辨駁示以顏色公辨不少變丞相心深
敬之故人才因公言知名善政因公言張本公出不以
告人人亦鮮知之惟豐城地不產金而金課益倍為害
歷年公上言罷之集賢考校諸路學官所業下胄監移
博士吏文淹滯儒者公請改其制以其事付本屬官竟
得奏允御史言下第舉人以充學正山長鄉舉放次榜
以充教諭學錄廟堂以咨公公力贊成之此世所知者
考鄉試會試一廷試為讀卷官二國子監公試七多得
後居要路所教勲舊子孫後多為重臣公待之泊

然不於謂以為聲援於程公禮若賓客人弗知其為肺
腑親性耿介易直好善惡惡表裏如一聞郡縣有一廉
吏他日臨文必旁引曲諭以極其稱道或恐其過聽失
實公則曰如是猶不足以勸善况敢億不信乎至聞吏
有貪墨病民論之曾不少恕嘗有郡侯以勢諷其部民
奉金為公壽求文記其德政公頗知其人斥之曰汝郡
侯所行如何吾敢有以飾辭為諛乎其人未幾以賂敗
朝中名臣意趣或不與之合終身不一造其門雖嘗以
是為軋公曰吾之進退用舍一聽諸天人何能為世路
翹翹時或不平心有所感形諸詩文傍觀謂其太甚公
曰言當如是是不必慮也其遇善類及新進諸生乃復恂

向汲引莫年求文者多寢食為廢子弟數以為言公殊
無厭苦意有客為人求文而私其金公既予文他客發
其事公曰已受之矣終無所言聞者稱其長厚臧獲有
過徐以理責之人問之曰長上遇下稍見卞急後生便
習暴戾當以身教稟性堅壯動作簡便群下易事公集
必蚤官事尤勤進遼史後有旨獎論史官早成金宋二
史公奉命黽勉朝夕匪懈先代故事臧否奮筆書之身
任勞責不以委人屢言今人徒知求作史法不知求作
史意古人善言雖微必詳惡事雖隱必書其意主於勸
戒耳當暑濕盛作移居館中頗自恃其精力踈於攝生
遂致疾不起昔玄與公共脩憲典公素習律儀又勤於

玄其書大半成於公今又共史事公之勤不減昔時乃
遽失援公未病前數日謂玄曰某平生愛公文恨無因
獲一言早晚史事成求公作貞文書院記記成而列吾
志畢矣玄敬諾之悲夫斯言詐意未記書院而先銘公
之墓乎茲卜葬某鄉某原期以某年月日預為之銘銘
曰古稱良史造物忌子故是非擅萬世嗟公直筆庶不
削獎善懲惡義之比惡書言不貸善書必寒暑晝夜勦形
思公起南服抱腹筭布衣徒步品第二尚方召見呼以
字致君倦憊劾獻替講經作文出一意陳規進戒為己
事惜哉負挾勤少試徒挹精忠載言議感慨論列時出
涕唐之甫也漢之誼以文發身卒以斃豐城故墟干將



原件短缺

歷夜占斗牛有文氣將徵遺篇錄後裔

元故承務郎建德路淳安縣尹冒陽劉公墓誌
銘

至元二年冬十月十五日冒陽鏞公卒於衡山之私舍
三年春正月同年友廬陵歐陽玄聞訃哭諸寢門之外
三月其門人衡州路推官何克明以書及所撰公行狀
致其孫圭之請求謁其藏如何君之言曰衡山為邑自
武夷胡氏廣漢張氏寓居且其邦學者宗之凜然一起於
正後是百餘年冒陽劉公文子寔來使告邑人子弟私
淑胡張二先生之訓久而彌章則其薰陶啓迪之助居
多今不

郎建德路淳安縣尹授代還踰年卒年六十有四先妣
彭氏公名存外氏以志孝也迎養繼母于淞西年八十
餘公卒深哭之公娶白氏用公貴皆當有封贈循資請
于朝命未下公歿子一人倡女一人適茹蕃侶舉湖廣
鄉貢進士遇恩調衡州路儒學正應選教授先公一年
卒公以繼世之重為之衰絰及期竟以憂感嬰疾疾革
門人江雲端劉延雋輩咸在將屬續語延雋曰生順死
安無遺恨也第老母不得終養孫圭幼未之學子教之
而才吾受子賜言訖乃瞑圭以其年月日奉柩葬于某
山之原公為蜀名家世明春秋之學自曾祖演至子侶
五世一經相傳科第接武家多著述象環先生有讀易

記易學須知春秋例義春秋續傳記左傳記事本末周
正釋經古今要略等書公所校讐增附不少其自為書
有四書提要春秋澤存春秋正經句釋易詩說未脫彙
生平所著文集門人方彙編之初科舉未行公教學者
必以五經四書為本為文必先理趣而後詞章及科詔
頒悉如公所為教故高第家嗣以取科名校文鄉閭門
生多擢高甲在衡山時部使者涿郡盧公執廣序趙公
厲皆時名公一見輒遇以老成在岳陽行中書省平章
魏高公昉拔自莞庫館之幕下屢以行省提舉薦不報
迨其為政勤於治民而疏於奉上故當時惟賢者知公
玄與中丞浚儀馬公祖常侍御濟南張公起巖叅知政

事相臺許公有壬子朝暇日論及同年士五十有六人
二十餘年舉散不常升沉不齊其間存亡疑信幾不忍
詰至於鏞公則往往相視有荀慈明愧陳太丘之色適
翰林編脩和達來自淳安能言公幅巾深衣每月初吉
陞座講書淳安士庶聽講無倦致邑中風俗丕變玄明
日白諸公曰方今宇內州路縣大夫皆有師帥之責於
其民其能服先王之服誦先王之言卓然以承流宣化
為己任者嘗屢見其人乎諸公方懷論薦公遽不起意
命也夫公葵象環先生衡山先塋之原名其阡曰岷衡
因號我山銘曰誰謂岷衡之原名其阡曰岷衡
齊誰謂公此遺書在茲使我悲之銘者是用

不費子辭

元故將仕郎臨安路錄事羅君墓誌銘

延祐二年仁廟初以科目取天下士左右榜得五十六人時朝廷驟黜舊制一以經學行義取人所得士非故業舉子以應時需者十五六年間司風紀掌綸綍內綜機務外使絕域才不乏使其間居位勇退能以風義先天下則惟羅君求師一人求師諱曾家廬陵新安里登第授將仕郎寧都州判官再調臨江錄事以初授官終焉其退非有扞格不偶亦非以材具不適時而所慕有大於此者嗚乎若不能以斯須留故同年之士聞君之風反自脩省失所負挾怡然欲爭君之高而莫之能也

君至寧都蔡寇甫平凋瘵未復奮以身任撫摩其其梁雍去宿蠹久乃按堵臨江素號繁劇吏初疑儒者劣於刺裁君夙夜勤恪事無留難暮年綱紀脩舉一日聞親有疾遂棄官去自是不復出仕以死惜哉羅氏吉望族曾祖士友宋承務郎致仕士友母年滿百故相文山文公與其子弟有斯文昆弟之好奉幣載酒升堂拜母題詩廳壁鄉里榮之曾祖妣蕭氏恩封孺人祖塋父寅君孝出至性親病自臨江歸拜醫嘗藥衣不解帶親終毀瘠異常禫除餘年哀不忘嘗廬母緇氏墓蔬食數歲不變事繼母習氏尤孝其死習慟之切至其平居終日忻忻喜愠不色蒞政廉約遇物謙冲自束髮與人交不

見幾微褊心登第偕同年蕭君立夫舟還蕭僕死給以
已從蕭病臨清一月君一月留甘苦燥濕共之未幾蕭
即世教其孤遺長妻以女其所為不愧古人類如是泰
定四年丁卯十有二月二十二日以疾卒于家享年四
十有五以次年某月某日葬于廬陵之清湖娶文氏子
男一人會之克世其學造物之報庶幾在茲女四人長
適蕭霽餘幼霽即立夫子今江西鄉貢進士狀其行來
求銘嗚呼余於君為同年又同生昭陽協洽之歲霽來
始聞君之訃乃哭諸寢門之外為之銘曰雅之烏烏不
止于藪而集于枯車之輶輶不馳于道而陟于阪嗚呼
羅君士之以為難兮君固即所安兮

曾秀才墓誌銘

秀才曾氏子一漢既沒於江南其兄德元在京師聞而
哭之慟知其塋有時奉行狀乞銘於歐陽玄拜且泣曰
人之生苟有德慧孰不願有辭於永世也弟一漢寔曾
氏才子弟今不幸短命父兄不能續以長願得先進一
言以傳庶幾猶未死也玄聞其言惻然乃叙而銘之曾
氏永豐顯親里大家一漢字明善本曾似翁第三子大
父悼其兄之似俞早夭無後以繼之大德十年丙午五
月庚午肫生天曆二年庚午五月癸丑肫死是月戊午
改至順以是年某月某日葬于某里之原一漢五歲讀
書數千百言過目成誦少長無童心年十二三能文章

十五六頎然長以弁不尚浮靡不事貨殖篤志道德性命之書能服行其言事父兄善交朋友信遇宗族之長老恭未及壯有學行詞章凜凜趨老成人初師里士劉福遠習舉子業精熟尋執贄臨川吳先生門受諸經說大稱頷悟年二十有五病痰喘以死方疾未甚四月十日有厲風從西北來拔並舍大木似翁箸得未濟之巽心疑之不踰月一漢乃不起妻鐺氏子男一人萬奴裁四月而孤行述似翁所自作其文不勝哀有甚於德元言者嗚呼為父兄鮮有不愛其子弟者論才不才恩義有不相掩者一漢死父兄若失希世重寶不能自存嗚呼一漢真佳子弟矣乎銘曰麟之不角麇不如殯鷗之不翰鷖不如鰲奪其所有無子之為痛嗚其垂死無生之為寧坎而深樹而慘無重傷其父兄之心

歐陽奇翁先生墓誌銘

先生諱文壽號奇翁姓歐陽氏玄之族兄也其先由廬陵徙安福之義歷復由義歷徙分宜之防里曾祖子敬祖西園皆篤厚好施與鄉稱長者考登仕郎化龍慷慨以功名自許妣李氏有淵德公生以年 月 日卒以年六月十八日享年 十有 賢配彭氏出里名族子所性才幹克家孫吾貫篤問學善吟詠頃子在朝公遣姪勞予京師及謁告南歸又勞予于家囑叙其譜詎意譜序成而公沒玄聞訃哭諸寢門之外不能堪

未幾所性懼公湮沒無傳屢以墓文為請將以圖於不
朽予雖欲遲之恐歲月逾邁無以盡情則於墓文又烏
可已耶公自幼穎悟甫數歲讀書過目輒成誦年十餘
挾書出就外傳勤謹不懈鄰人有厭其夜讀者公焚膏
繼晷諷誦不輟自若也公沒不勝哀慟廬墓三年而後
歸仁宗族義鄉黨內外稱之無間言常恐子弟廢其世
業延名師儒訓切之日復親督其課夜分乃止如是者
以為常中年文學大進不求利達師表鄉閭晚節深居
罕與人接見唯幅巾藜杖逍遙林壑間從一二賓客自
娛其高尚槩可見矣以 年卜葬安福縣六十七都之
名黃竹坑坤申山寅艮向之原玄於公為族弟故不誌

而為之銘銘曰裕已範世兮學行允敦內蘊弗施兮既
臧且厚子克其家兮孫踵其仁勒此貞石兮其永有聞

三齋文集卷之十終



三齋文集卷之十終

禮